



Møtebok for Næringsfondsstyret

Møtedato: 22.10.2020
Møtestad: Brannstasjonen på Mo
Møtetid: 09:00 - 10:00

Frammøtte medlemmer	Parti	Rolle	Merknad
Kjetil Eikefet	SA	Ordfører	
Liv Anne Aanesen	SA	Medlem	
Håvard Engeseth	SO	Medlem	

Forfall meldt frå medlem:	Parti	Rolle	Merknad
Ann-Jorunn Farestveit	SO	Varaordfører	Meldt forfall
Kristin Nåmdal	SA	Medlem	Meldt forfall

Frammøtte varamedlemmer:	Parti	Rolle	Merknad
Robert Helland	SO	Varamedlem	Vara for Ann-Jorunn Farestveit
Anne Britt Almelid	SA	Varamedlem	Vara for Kristin Nåmdal

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Ove Sæbø	Assisterande rådmann	Administrasjon	

Sakliste

Saknr	Tittel
010/2020	Godkjenning av innkalling og sakliste
011/2020	Godkjenning av møteprotokoll
012/2020	Orienteringssaker
013/2020	Søknad om tilskot og lån - Testlab Vest AS
014/2020	Tilskot frå næringsfondet til kjøp av fylltømmar gbnr. 80/1 Ffarestveit

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	20/350

Saksnr	Utvalg	Type	Dato
010/2020	Næringsfondsstyret	PS	22.10.2020

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Næringsfondsstyret - 010/2020

NF - behandling:

Samrøystes vedteke

NF - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	20/350

Saksnr	Utvalg	Type	Dato
011/2020	Næringsfondsstyret	PS	22.10.2020

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Næringsfondsstyret - 011/2020

NF - behandling:

Samrøystes vedteke

NF - vedtak:

Møteprotokoll vert godkjend slik den ligg føre

Vedlegg:

Protokoll - Næringsfondsstyret - 02.06.2020

Sakspapir

Saksbehandler	Arkiv	ArkivsakID
Anneli Vatile Lilletvedt	FE-033	20/350

Saksnr	Utvalg	Type	Dato
012/2020	Næringsfondsstyret	PS	22.10.2020

Orienteringssaker

Forslag til vedtak:

Sakene vert tekne til orientering

Saksopplysningar:

Næringsfondsstyret - 012/2020

NF - behandling:

Ass. rådmnn Ove Sæbø orienterte om følgende saker som er administrativt handsama:

- SeaCamp AS har fått innvilga koronatilskot på kr. 10 000,-
- Låvebakeret har fått avslag på søknad om kronatilskot.
- Modalen pensjonat har fått avslag på søknad om koronatilskot.

Løyvingar som går under særlege tilskotsordningar for landbruket i Modalen.

- Håkon Nåmdal har fått kr. 50 000,- i tilskot og kr. 32 000,- i lån. Føremål: traktor.
- Ole K. Ø. Helland har fått kr. 10 000,- i tilskot. Føremål: traktorhengar.
- Håkon Nåmdal har fått kr. 14 000,- i tilskot. Føremål: forhaustar/hengar.
- Knut Farestveit har fått kr. 28 200,- i tilskt: Føremål: traktor

Det vart i tillegg orientert om følgende:

Modalen kommune har fått kr. 357 243,- i løyving frå Vestland fylkeskommune som er øyremerkt kommunale næringsfond. Modalen kommune har lagt søknadsprosessen inn under regionalforvaltning.no (søknadsportal) med søknadsfrist 30. oktober. Informasjon er sendt ut gjennom kommunen si heimeside og facebook. I tillegg er regionalforvaltning.no ein kjent portal for næringsaktørar å undersøkje aktuelle stønadsordningar.

Samrøystes vedteke

NF - vedtak:

Sakene vert tekne til orientering

Sakspapir

Saksbehandler	Arkiv	ArkivsakID
Ove Sæbø	FE-223, FA-U01	19/241

Saksnr	Utvalg	Type	Dato
013/2020	Næringsfondsstyret	PS	22.10.2020

Søknad om tilskot og lån - Testlab Vest AS

Forslag til vedtak:

Modalen kommune løyver kr. 371 250,- i lån og kr. 371 250,- i tilskot i næringsfondstønad til Testlab Vest AS. Følgande vilkår ligg til grunn for løyvinga:

1. Tilskot og lån skal nyttast i tråd med søknad m/ vedlegg.
2. Før utbetaling skal søkjaren ha levert dokumentasjon eller rekneskap som er spesifisert i samsvar med kostnadsoverslag/budsjett.
3. Tilskot og lån kan krevjast tilbakebetalt heilt eller delvis dersom utstyr som er finansiert med stønad frå næringsfondet vert solgt eller nytta til anna føremål enn føresett innan 5 år frå tilsegnsdato. Stønadsmottakar pliktar på førehand å gje melding til næringsfondsstyret om sal eller bruksendring i dette tidsrommet.
4. Lån over kr. 50 000,- skal sikrast med pant.
5. Vedtekter for næringsfondet og strategisk næringsplan 2017 - 2021 ligg til grunn for løyvinga.

Saksopplysningar:

Testlab Vest AS søkjer om stønad til innkjøp av laboratoriesteinknuser, siktemaskin for grove steinmaterialar, minigravar m/ hydraulisk steinklype, maskinhengar og varebil. Dei ulike delane heng i hop for å kunne strykje seg og vere meir effektive inn mot marknaden.

Samla prosjektkostnadar er rekna til kr. 1 485 000,- og søkjar ber om 25 % stønad i form av lån og 25 % i forma av tilskot. Resterande 50 % vert dekkja av søkjar sjølv.

Bakgrunn

Sidan oppstart og etablering i kontainerfasilitetar like ved industribygget, har selskapet i dag vakse til å sysselsetje 3 tilsette. Dokumentert fakturering ut til kundar har i 2020 vore jamnt og sterkt stigande. Dette i ei til kor mange arbeidsplassar er i fare, jfr. koronapandemien. Dagleg leiar opplyser om at kundemassen er aukande og at ein arbeider mot å verte mest mogleg konkurransedugande. I

tillegg vektlegg leiar at omsyn til HMS i ein bransje med tunge løft også spelar ei viktig rolle.

Vurdering

Selskapet er pr. i dag ei verksemd som har klart å komme seg gjennom den første kristiske fasen i ei etablering. Kundeforhold er etablert og grunnlaget for vidare vekst er innan rekkjevidde. At selskapet har klart å tilsetje arbeidskraft er eit viktig punkt å vektleggje i vurderinga av denne søknaden. Testlab Vest har også tidlegare motteke stønad frå næringsfondet. Det er bør ikkje vere til hinder for vidare stønad så lenge selskapet er i vekst. Ein veit at det er kapitalkrevjande å vekse.

Modalen har behov for gründarar som vågar å satse – og ikkje minst at dei har så gode forretningssidèar at satsinga gjev resultat. Rådmannen opplever at leiar for verksemda er kunnskapsrik i ein bransje som det krevst spesiell kompetanse for å ta del i. I tillegg ynskjer selskapet å ta risiko sjølv ved å stille med til saman 50 % av prosjektkostnadane. Dette styrkjer tilliten til selskapet.

Rdmannen si vurdering er at Modalen kommune skal bidra til vekstsatsinga slik søkjar ber om.

Rådmannen vil understreke at det kan vere eit dilemma at det vert investert i utstyr som bil, hengar og minigravar som *kan* nyttast på andre oppdragsområde i Modalen som t.d. ordinære graveoppdrag, frakt av gods m.m. Rådmannen viser til pkt. 3 i vilkåra kor det står:

Tilskot og lån kan krevjast tilbakebetalt heilt eller delvis dersom utstyr som er finansiert med stønad frå næringsfondet vert solgt eller nytta til anna føremål enn føresett innan 5 år frå tilsegsdato.

Anna føremål peiker her mot føremål som ikkje er oppgjeve i søknad eller vedtak.

Søkjaden er i tråd med Modalen kommune sin strategiske næringsplan (SNP) og fokusområde *naturressursar* kor ein skal leggje til rette for næringar som byggjer på lokale ressursar, samt fokusområdet *gründer, etablering, entrepenør og innovasjon*. Rådmannen plasserer prosjektet/tiltaket i kat. 3 med omsyn til tildeling av stønad frå næringsfondet, jfr. Strategisk næringsplan. Det inneber høg grad av sysselsetjingseffekt, busetnadseffekt og tiltak som i høg grad kan føre til nyskaping/vidareutvikling av verksemder. Det er særleg nyskaping og vidareutvikling som er vekta, samstundes med at søkjar utviklar verksemd med mål og potensial til å skape fleire arbeidsplassar enn dei 3 så langt – og med det styrkje busetnaden.

Konklusjon

Rådmannen rår til at Modalen kommune løyver kr. 371 250,- i lån og kr. 371 250,- i tilskot i stønad frå næringsfondet til Testlab Vest AS.

Næringsfondsstyret - 013/2020

NF - behandling:

Oddbjørn Trohaug orienterte om søknaden og svara på spørsmål.
Samrøystes vedteke

NF - vedtak:

Modalen kommune løyver kr. 371 250,- i lån og kr. 371 250,- i tilskot i næringsfondstønad til Testlab Vest AS. Følgande vilkår ligg til grunn for løyvinga:

1. Tilskot og lån skal nyttast i tråd med søknad m/ vedlegg.
2. Før utbetaling skal søkeren ha levert dokumentasjon eller rekneskap som er spesifisert i samsvar med kostnadsoverslag/budsjett.
3. Tilskot og lån kan krevjast tilbakebetalt heilt eller delvis dersom utstyr som er finansiert med stønad frå næringsfondet vert solgt eller nytta til anna føremål enn føresett innan 5 år frå tilsegnsdato. Stønadsmottakar pliktar på førehand å gje melding til næringsfondsstyret om sal eller bruksendring i dette tidsrommet.
4. Lån over kr. 50 000,- skal sikrast med pant.
5. Vedtekter for næringsfondet og strategisk næringsplan 2017 - 2021 ligg til grunn for løyvinga.

Vedlegg:

Søknad om lån og tilskudd

Økonomisk oversikt

Sakspapir

Saksbehandler	Arkiv	ArkivsakID
Laila Bjørge	FE-223, FA-V00	20/310

Saksnr	Utvalg	Type	Dato
014/2020	Næringsfondsstyret	PS	22.10.2020

Tilskot frå næringsfondet til kjøp av fylltømmar gbnr. 80/1 Ffarestveit

Forslag til vedtak:

Næringsfondstyret i Modalen løyver kr: 99 200,- i tilskot og kr: 65 968,- i lån til Ann Jorunn Farestveit til kjøp av ny fylltømmar på GBNR 80/1 på Farestveit . Godkjent kostnad er kr 496 000. Tilskotet må nyttast i tråd med søknad

Vilkår for utbetaling:

1. Tilskot vert utbetalt på grunnlag av medgåtte dokumenterte kostnader.
2. Før utbetaling skal mottakar ha levert dokumentasjon eller rekneskap som er spesifisert i samsvar med kostnadsoverslaget. Dokumentasjon/rekneskapet skal vere attestert av rekneskapsfører.
3. Utbetaling må skje innan 1 år frå vedtaksdato. Dersom det vert trong for forlenging kan dette søkjast om innan utlaup av fristen.
4. Tilskot kan krevjast attendebetalt heilt eller delvis dersom bygg og inventar/ utstyr m. v. som er finansiert med støtte frå Næringsfondet, vert seld eller nytta til eit anna føremål enn føresett innan 5 år frå tilsegnsdato. Stønadsmottakar pliktar på førehand å gje melding til Styret for Næringsfondet om sal eller bruksendring i dette tidsrommet.

Saksopplysningar:

Bakgrunn

Ann Jorunn Farestveit med organisasjonsnummer 992190922 søkjer om tilskot og lån frå næringsfondet til kjøp av ny fylltømmar på garden sin GBNR 80/1 på Farestveit.

Kostnad for ny fylltømmer er kr 496 000. Det er søkt om lån frå næringsfondet på kr 65 968 og tilskot på kr 99 200 . Resten er finansiert med anna lånefinansiering og egne midlar.

Ann Jorunn Farestveit er heiltids bonde og driv med mjølke- og kjøttproduksjon på Farestveit. Ho driv eit jordbruksareal på 256 daa og det er i hovudsak grovforproduksjon og beite. Ho grunnjev søknad med: Har i dag orkel fylltømmar 1995 mod. Denne blir ikkje produsert lengre, og delar er vanskeleg å få tak i. No står den i ro p.g.a. knekt aksling, gir. Har ikkje lukkast å få tak i delar, og maskina er slitt elles også. TKS har hatt stopp i produksjon av fylltømmar ei stund p.g.a. lite sal. I år produserer dei 10 stk. Fylltømmaren jamnar graset i siloen ved innkjøring på sommaren og tek ut for på vinteren. Dette sparar oss for tunge løft og er eit viktig HMS tiltak.

Vurdering

Næringsfondet er eit verkemiddel for å fremja og styrka næringsaktivitet og sysselsetjing i kommunen. I strategisk næringsplan 2017-2021 er eit fokusområde at ein skal leggja til rette for næringar som byggjer på lokale naturressursar. Auka produksjon i landbruket er eit av fleire tiltak som er nemnd.

Kommunestyret vedtok i møte den 7.april.2011 nytt regelverk for landbruket i Modalen i ein 5 års periode. Denne har seinare vorte forlenga fram til 2021. I pkt. 1 i tilskotsreglar for landbruket i Modalen heiter det: " Frå Næringsfondet i Modalen vert det ved kjøp av nytt driftsmiddel gjeve 20 % i tilskot og 13,3 % i lån. "

Føremålet med ordninga er å leggja til rette for å styrkja landbruksdrifta i Modalen, og ordningane skal medverka til:

- Oppgradering og fornying av driftsapparat, som kan bidra til kostnadsreduksjon og betre lønnsemd
- Nyare utstyr som kan gje betre arbeidsmiljø og positiv helsegevinst
- Stimulera unge/nye brukarar til å driva gard.

God grovforproduksjon er ein viktig føresetnad for ein mjølkeprodusent. Sjølv om det er mange som nyttar rundballar viser det seg at det kan vera betre økonomi å bruka silo dersom areala ligg i nærleiken og haustearealet ikkje er for stort. Tidsmessig er hausting av rundballar raskare, men innkjøring og utføring om vinteren tek meir tid. Det er og eit miljøaspekt med bruk av plast; det er dyrt å bruka og gjev mykje avfall.

Søkjjar har allereie tårnsilo, og dette kombinert med fylltømmer lagar ei rasjonell og kostnadseffektiv grovfôrhandtering. Den gamle fylltømmaren har hatt ei levetid på 25 år som må seiast å vera lenge, det er difor behov for oppgradering. Søkjjar skriv og at det er vanskeleg å få tak i ny, og att det dette året vert produsert 10 stk., noko som er ein god grunn til å sikra seg ein av desse.. Alternativ til fylltømmar er at ein person må jamna kvart lass som vert lagt inn i siloen og at ein tek opp siloforet med grabb om vinteren. Dette medfører mange turar opp og ned i siloen og er både meir arbeidskrevjande i tillegg til at det er tungt og meir risikofylt arbeid. For søkjjar er dette ei stor investering og det er difor viktig med støtte frå næringsfondet

Finansieringsplan		%
Tilskot frå næringsfondet	99 200	20,0
Lån frå næringsfondet	65 968	13,3
Anna lånefinansiering	150 000	30,2
Eigne midlar	180 832	36,5
Total kostnad	496 000	100,0

Tilskot og lån som det er søkt om i denne saka vil bidra til kostnadsreduksjon på bruket, fordi arbeidet går fortare, det er eit viktig HMS tiltak og søkjar er ung brukar som det er viktig å stimulera til å halda fram med gardsdrifta. Dette er i tråd med føremålet for ordninga.

I saksutgreiinga om ordninga frå 2011 er det peika på at det er viktig for Modalen og ha eit levande landbruk og leggja til rette for framtid drift. Mjølkeproduksjonen i Modalen er sårbar med berre 4 aktive storfebruk med mjølkeproduksjon, og det er difor viktig å ha fokus på desse produsentane. Administrasjonen meiner at å gje støtte til fylltømmar er i tråd med føremålet til ordninga og vil byggja under mjølkeproduksjonen på Farestveit.

Konklusjon

Løyving av tilskot og lån til som omsøkt vil bidra til kostnadsreduksjon på bruket fordi; arbeidet går fortare, det er eit viktig HMS tiltak og søkjar er ein ung brukar som ein ynskjer skal halda fram med gardsdrifta.

Administrasjonen meiner at å gje støtte til fylltømmar er i tråd med føremålet til ordninga og vil byggja opp under mjølkeproduksjonen på Farestveit.

Næringsfondsstyret - 014/2020

NF - behandling:

Samrøystes vedteke

NF - vedtak:

Næringsfondstyret i Modalen løyver kr: 99 200,- i tilskot og kr: 65 968,- i lån til Ann Jorunn Farestveit til kjøp av ny fylltømmar på GBNR 80/1 på Farestveit . Godkjent kostnad er kr 496 000. Tilskotet må nyttast i tråd med søknad

Vilkår for utbetaling:

1. Tilskot vert utbetalt på grunnlag av medgåtte dokumenterte kostnader.
2. Før utbetaling skal mottakar ha levert dokumentasjon eller rekneskap som er spesifisert i samsvar med kostnadsoverslaget. Dokumentasjon/rekneskapet skal vere attestert av rekneskapsfører.
3. Utbetaling må skje innan 1 år frå vedtaksdato. Dersom det vert trong for forlenging kan dette søkjast om innan utlaup av fristen.
4. Tilskot kan krevjast attendebetalt heilt eller delvis dersom bygg og inventar/ utstyr m. v. som er finansiert med støtte frå Næringsfondet, vert seld eller nytta til eit anna føremål enn føresett innan 5 år frå tilsegnsdato. Stønadsmottakar pliktar på førehand å gje melding til Styret for Næringsfondet om sal eller bruksendring i dette tidsrommet.